

## ՀԱՇՎԵՏՎՈՒԹՅՈՒՆ

Իտալիայի Հանրապետություն (Թուրին) գործուղման արդյունքների մասին

### 1. Անունը, ազգանունը.

Մարիետա Սարգսյան

### 2. Զբաղեցրած պաշտոնը.

ՀՀ աշխատանքի և սոցիալական հարցերի նախարարության արտաքին կապերի վարչության գլխավոր մասնագետ.

### 3. Գործուղման վայրը և ժամկետները.

Իտալիայի Հանրապետություն (Թուրին), 2024 թվականի մայիսի 26-ից հունիսի 1-ը

### 4. Հրավիրող կողմը.

Աշխատանքի միջազգային կազմակերպություն

### 5. Գործուղման նպատակը.

Մասնակցություն «Աշխատանքի միջազգային ստանդարտների ակադեմիա» խորագրով դասընթացին, որի նպատակն էր աշխատանքի միջազգային չափորոշիչների առնչությամբ ընթացակարգերին և ԱՄԿ անդամ պետություններին այդ չափորոշիչների նկատմամբ կանոնադրական պարտավորություններին մանրամասն ծանոթացնելը: Դասընթացը նաև ուսուցողական էր կոնվենցիոն պարտավորություններն իրականացնելիս համապատասխան գիտելիք ունենալու տեսանկյունից, սոցիալական գործընկերության դերի կարևորության ընկալման առումով ևս: Դասընթացին կային երկրներ, որոնք ներկայացված էին եռակողմ (կառավարության ներկայացուցիչ, արհմիությունների կոնֆեդերացիայից և գործատուների հանրապետական միությունից ներկայացուցիչ)

### 6. Քննարկված թեմաները.

Դասընթացի օրակարգում ներառված էին հետևյալ թեմաները՝

- NORMLEX և աշխատանքի միջազգային չափորոշիչների աղբյուրներ,
- Ճգնաժամերի ժամանակաշրջանում աշխատանքի միջազգային չափորոշիչների կիրարկում,
- Չափորոշիչների վերանայման մեխանիզմներ,
- Անվտանգ և առողջ աշխատանքային միջավայր,

- Աշխատանքի միջազգային չափորոշիչների պրոցեդուրաների հետ կապված հարցեր,
- Միավորվելու ազատության և կոլեկտիվ բանակցությունների աշխատանքի միջազգային չափորոշիչներ,
- Որակյալ աշկերտության աշխատանքի միջազգային չափորոշիչները
- Հարթակային տնտեսությունում (Platform economy) արժանապատիվ աշխատանքի գիտակցում,
- Աշխատանքի միջազգային չափորոշիչները եռակողմ խորհրդակցություններում,
- ԱՄԿ կոնվենցիաների կիրարկման զեկույցների շուրջ փորձի փոխանակում,
- Ախատանքի միջավայրում կենսաբանական վտանգները,
- Աշխատանքի միջազգային չափորոշիչները հավասարության և հակախտրականության կոնտեքստում,
- Աշխատանքի փոփոխվող աշխարհում աշխատանքի վարչարարությունը:

## **7. Հանդիպումները, ելույթները, բարձրացված կամ քննարկված հարցերը.**

Դասընթացի ղեկավարը Թուրինի ուսումնական կենտրոնի աշխատանքի միջազգային ստանդարտների, աշխատանքային իրավունքների և գենդերային հավասարության ծրագրի գծով համակարգող, վերապատրաստող Մաուրա Միրալոն էր: Դասընթացին մասնակցում էին 23 երկրներից: Դասընթացի լեզուն անգլերենն էր:

Մասնակիցների շարքում ընդգրկված էին այն մարդիկ, որոնք իրենց աշխատանքի բնույթով անմիջականորեն առնչվում էին ԱՄԿ կոնվենցիաների կիրարկման վերաբերյալ զեկույցների մշակման և ԱՄԿ կենտրոնակայան ներկայացման հետ:

Դասընթացի ընթացքում ներկայացվել է ԱՄԿ մանդատը: Աշխատանքի միջազգային չափորոշիչների կիրարկման մեխանիզմները, կոնվենցիաների վավերացման գործընթացները, ըստ երկրների քեյսերի նաև քննարկումներ են ընթացել: Ներկայացրել են ՀՀ մասով վավերացված կոնվենցիաները, ազգային զեկույցների ներկայացման գործընթացները, ՀՀ կողմից 8 հիմնարար կոնվենցիաների վավերացումը; Ներկայումս հիմնարարարներն արդեն 10 են, «Աշխատանքի անվտանգության և առողջության մասին» ԱՄԿ թիվ 155 և «Աշխատանքի անվտանգության և առողջության խթանման շրջանակի մասին» ԱՄԿ թիվ 187 կոնվենցիաները ևս հիմնարար են, ըստ էության այս երկու կոնվենցիաները փոխլարցնում են միմյանց, սակայն 155 կոնվենցիան առավել շատ պարտվորություններ և իրավունքներ է ենթադրում: Դասընթացի շրջանակում խոսել ենք պլատֆորմային տնտեսության, որը նոր՝ մոտեցումներ է

ենթադրում, աշխատավայրում կենսաբանական վտանգների, աշխատանքի առողջ և անվտանգ պայմանների, ոչ ֆորմալ տնտեսության, սոցիալական գործընկերության, մի կողմից աշխատանքի ընդունման խտրական վերաբերմունքի՝ մյուս կողմից աշխատավայրում գենդերային հավասարության պահպանման, եռակողմ բանակցությունների վարման և այլնի մասին:

Դասընթացը հետաքրքրական էր նրանով, որ տեղում կատարում էինք խմբային աշխատանքներ, ունենում էինք ելույթներ և տարատեսակ ինտերվենցիաներ:

Եղել եմ երկու խմբային աշխատանքի ղեկավար և համապատասխանաբար ներկայացրել եմ մեր աշխատանքները:

**8. Հանդիպման կամ հավաքի ժամանակ ընդունված որոշումները, պայմանավորվածությունները, ստորագրված փաստաթղթերը.**

Դասընթացի արդյունքում որոշումներ չեն ընդունվել, պայմանավորվածություններ ձեռք չեն բերվել, փաստաթղթեր չեն ստորագրվել:

**9. Առաջարկությունները, դրանց ընթացք տալու վերաբերյալ առաջարկները՝ եղանակը, ձևը, ժամկետները, պատասխանատուները, ակնկալվող արդյունքները.**

Առաջարկել եմ նմանատիպ դասընթացներին դիտարկել ՀՀ-ից եռակողմ մասնակցության հնարավորության հարցը

**10. Ստորագրությունը, ամսաթիվը:**

11.06.2024

